

eneo la mradi huo, wilayani Ngara, mkoani Kagera. Kushoto kwake ni Mkuu wa Wilaya hiyo, Kanali Mathias Kahiabi na Ofisa Tawala wa wilaya hiyo, Vedastus Tibaijuka. **PICHA: MPIGAPICHA WETU** **NIPASHE UK 8**

Ulega ataka mapinduzi sekta ya mifugo, uvuvi

Na Elizabeth Zaya

NAIBU Waziri wa Mifugo na Uvuvi, Abdallah Ulega, amewataka watafiti katika sekta hiyo, kufanya utafiti utakaosaidia kuleta mapinduzi katika sekta hiyo nchini hususani katika kuimarisha uchumi wa buluu.

Ulega alitoa kauli hiyo alipofungua mkutano wa watafiti wa masuala ya uvuvi na viumbe maji uliofanyika mkoani Dar es Salaam.

Alisema ni lazima wanasayansi kuongoza mapambano kuhakikisha rasilimali na mazao ya baharini yananufaisha wananchi.

“Fursa ni kubwa katika sekta hii ya uvuvi, lakini bado hatujaitumia yizuri na naomba

wataalamu mliangalie hilo. Bado tuna mgogoro na wavuvi ambao wanatumia zana haramu kwenye uvuvi ikiwamo ‘ring net’ pamoja na gesi, kwa hiyo inabidi mhakikishe mntafiti vitu ambavyo vitasaidia wavuvi kunufaika na shughuli zao za uvuni na mkiendelea kuchelewa kufanya hivyo wao wataendelea kuharibu rasilimali zetu,” alisema Ulega.

“Kutokana na harakati na mihangaiko ya kujitafutia riziki, wenzetu hawa huwa wanajikuta wanatafuta mbinu mbadala za kufanya shughuli zao zinawaletea manufaa, kwa hiyo inabidi ninyi wanasayansi muwe mbele zaidi yao kwa kujua vitu vinavyofaa kwenye sekta hiyo kulingana na mahi-

taji ya wakati husika, mara nyingi mnakuwa nyuma na ndiyo maana wakati mwingine wanatumia nyenzo au zana zisizo stahili na tutakuwa tunarudi nyuma.”

Alisema tayari kwa upande wa serikali imejipanga kuweka nguvu kubwa kupitia bajeti kuu ya serikali pamoja na miradi mbalimbali kwa ajili ya kuenyeleza sekta hiyo ya uvuvi na uchumi wa buluu.

“Uchumi wa buluu ndiko dunia inaelekea, kwa hiyo na sisi lazima tuwekeze nguvu kubwa huko kwa kuhakikisha tunainua uchumi wetu kupitia sekta hii,” alisema Ulega.

Kwa upande wake, Mkurugenzi wa Taasisi ya Utafiti wa Uvuvi Tanzania (TAFIRI), Dk.

Ismael Kimirei, alisema lengo la mkutano huo ni kuhakikisha wanakuja na majibu ya kutatua changamoto zilizopo katika sekta hiyo pamoja na kuinua zaidi.

Alisema mkutano huo umejumuisha washiriki kutoka nchi mbalimbali ikiwamo Kenya, Uganda, Burundi na lengo ni kuhakikisha wanainua uchumi wa buluu jumuishi.

Ofisa Utafiti kutoka Taasisi ya Utafiti wa Uvuvi na Maliasili za Baharini Zanzibar (ZAFIRI), Ali Said Ali, alisema endapo wataalamu hao watafanya kazi kwa ushirikiano itakuwa rahisi kupatikana kwa majibu na changamoto zote zinazoikabili sekta hiyo.

HABARI KITAIFA

Mnada wa wafugaji waonyesha fursa

Na Frank Monyo

BENKI ya Maendeleo ya Kilimo Tanzania (TADB), imeshiriki kikamilifu katika maonyesho na mnada wa mifugo, ambao ni wa kwanza kufanyika nchini, ukiwa na lengo la kuonesha mbegu mbalimbali za mifugo.

Mnada huo pia ulikuwa na lengo la kutoa fursa kwa wafugaji kujifunza ufugaji kibiashara kupata elimu na kubadilishana uzoefu. Maonyesho hayo yam-

eratibiwa na Chama cha Wafugaji Mifugo Kibiashara Tanzania (TCCS).

Akizungumza jana wilayani Chalinze kunakofanyika mnada huo, Ofisa Mwandamizi wa TADB, Furaha Sichula, alisema hadi sasa TADB imeongeza tija katika sekta ya mifugo kwa kuwekeza zaidi ya Sh. bilioni 42 ambazo kati ya hizo, Sh. bilioni 14.2 zimekwenda kwenye sekta ndogo ya nyama ikiwamo ujenzi wa viwanda viwili vya kuchakata nyama.

"TADB pia imetoa Sh. bilioni 13.5 kwenye sekta ndogo ya maziwa ikiwamo viwanda vinne vya kusindika maziwa, Sh. bilioni 7.5 zimekwenda kwenye sekta ndogo ya kuku na 6.8 imeenda kwenye sekta ya uvuvi wa ufugaji wa samaki kwenye vizimba," alisema Sichula.

Aliongeza kuwa TADB inalenga kufikia Watanzania wengi zaidi katika sekta za mifugo, kilimo na uvuvi ili kuongeza uchumi wao na maendeleo ya sekta nzima.

Katika maonyesho hayo, vion-

gozi mbalimbali walitembelea banda la TADB na kuishukuru kwa jinsi ambavyo inajitoa zaidi katika maendeleo ya sekta hizo adhimu katika uchumi wa nchi.

Waziri wa Mifugo na Uvuvi, Mashimba Ndaki, aliishukuru TADB kwa kuwasaidia katika maeneo mengi na kuomba benki hiyo kutoa msaada zaidi katika kuwezesha mikopo ya sehemu ya malisho, ili kuepusha mifugo kuhamahama na kuhama kutoka kufuga kienyeji na kuanza kufuga kibiashara.

Mmoja wa mfugaji aliyeshiriki katika maonyesho hayo, Leng'idu Niwuyai, alisema TABD imekuwa na mchango mkubwa katika kuwasaidia wafugaji wadogo kufuga kisasa kupitia mikopo.

"Tumekuwa tukipata mikopo ambayo imetusaidia sana sisi wafugaji wadogo kufuga kisasa, hivyo kufanya kazi yetu hii iwe na faida. Tunaiomba TADB iwafikie wafugaji wengi zaidi ili kuongeza tija kwa sekta hii husasani kwa wafugaji wadogo," alisema.

UHURU UK 15.

Boti ya kisasa kulinda rasilimali Ziwa Victoria

Na **BALTAZAR MASHAKA**, Muleba

SERIKALI mkoani Kagera imemkabidhi Ofisa Uvuvi Mwalo wa Katemve Magarini, wilayani Muleba, boti ya kisasa itakayofanya doria Ziwa Victoria, kudhibiti matukio ya uvuvi haramu na uhalifu.

Boti hiyo yenye thamani ya sh. milioni 32.9 ilikabidhiwa juzi na Mkuu wa Mkoa wa Kagera, Meja Jenerali Charles Mbugu na kuwaagiza maafisa uvuviwilayani

humo kuitumia kwa manufaa ya wananchi.

Aliwataka kuhakikisha inatumika kwa ulinzi wa rasilimali zilizomo Ziwa Victoria hususan eneo la visiwa vilivyopo wilayani hapa.

Meja Jenerali Mbugu aliwaeleza wananchi wa Muleba, boti hiyo imenunuliwa kupitia mapato ya kodi na kwa kushirikiana na wadau wa maendeleo wa nje ya nchi.

"Serikali kupitia Wizara ya Mifugo na Uvuvi kwa kutambua umuhimu wa kutunza rasilimali na bidhaa adimu ya samaki katika ziwa letu, imeleta boti kuimarisha ulinzi ili vizazi vijavyo vikute mazalia ya samaki," alisema.

Ofisa Uvuvi, Wizara ya Mifugo na Uvuvi, Masanja Kadashi, alisema awali uvuvi haramu ulishamiri kwa kiwango kikubwa kwa sababu ya kukosekana vitendea kazi vya kudhibiti vitendo hivyo.

* MWANANCHI UK3

Kampuni ya bima yalenga kunufaisha wavuvi milioni 4.5

Pamela Chilongola, Mwananchi
pchilongola@mwananchi.co.tz

Dar es Salaam. Kampuni ya huduma za bima ya Acclavia imeingia mkataba wa miaka mitatu na Mfuko wa Kusaidia Wavuvi Tanzania kutoa bima ya afya na maisha pindi wanapopata ajali, kupoteza vitendea kazi, kuumia au kufariki dunia wakiwa kazini.

Kwa mujibu wa Wizara ya Mifugo na Uvuvi, sekta ya uvuvi inatoa ajira kwa Watanzania takribani milioni 4.5 katika mnyororo mzima wa thamani, ambapo ajira za moja kwa moja kwa wavuvi ni 194,804 na wakuzaji viumbe maji ni 31,998.

Sekta hiyo imetawaliwa na wavuvi wadogo kwenye maji ya asili na huchangia takribani asilimia 95 ya samaki wote wanaovuliwa nchini.

Pia, sekta hiyo huchangia katika kipato cha familia pamoja na kuongeza usalama wa chakula

SHUGHULI NYINGINE

Kampuni ya Acclavia vilevile hutoa huduma za bima mbalimbali, zikiwemo za magari, nyumba, biashara, usafirishaji, afya na kilimo, ikijumuishwa za vikundi vya kidini, wakulima, wajasiriamali, wachimbaji madini, taasisi na asasi mbalimbali.

194,804

Idadi ya wavuvi waliopo katika ajira za moja kwa moja.

na lishe kwa kuwa samaki huchangia asilimia 30 ya protini inayotokana na wanyama.

Akizungumza jana jijini hapa, Mkurugenzi wa Acclavia, Miradio Mpangile alisema wameingia mkataba huo baada ya kuona wavuvi wakifanya kazi huku wakiwa hawana bima inayoweza kuwasaidia pindi wanapoumwa au kupata ajali wakiwa kazini.

Mpangile alisema wavuvi watakaonufaika na bima ya matibabu na ya maisha wapo zaidi ya milioni 4.5.

“Wadau wetu tunaoshirikiana nao ni Kampuni inazotoa bima ya maisha ya Sanlam na Strategies inayoshughulika na bima ya matibabu, ambazo zitatoa huduma kwa wavuvi hao,” alisema Mpangile.

Kwa upande wake Meneja

wa Kanda ya Dar es Salaam kutoka Mamlaka ya Bima Tanzania (Tira), Franky Fred aliwataka wavuvi hao kujiunga kwenye huduma za bima za afya na maisha kwa kuwa gharama wanazotakiwa kulipa ni kidogo.

Alisema mamlaka hiyo inaendelea kutoa mwongozo wa jinsi ya kuwafikia wananchi popote pale walipo, pindi wanapopata ajali au kuumwa ili waweze kutibiwa kwa kiasi kidogo wanacholipia.

“Mafao wanayotoa yana-nipa faraja, mfano leo hii mfanyakazi wa Serikali akipata tatizo la figo sekta ya bima inatoa fao hadi Sh200 milioni kwa ajili ya kutibiwa.

“Bima ni muhimu kuwa nayo kwa sababu maradhi na kifo havitoi taarifa, huja ghafla,” alisema.

Mkazi
kukut
tembo
ko ye
4.07 b
Wai
fikish
Maha
abiliw
jumu
2022.
Aki
mashi
damiz
alidai
wanal
ka m
kujihi
ya ny
mawi
nyara
Mn
Mosi
3, 20
Chan
ke, w
nunu
413
man
1,755
Sh4.
men
yen
za l
tani
kuv
ger
Ali
pil